欽 定 全 唐

大臣と与し 長いすら上 目録	同州刺史謝上表	獻事表	又論裴延齡表	論裴延齡表	長慶元年冊尊號赦	戒勵風俗德音	處分幽州德音	元稹四	欽定全唐文卷六百五十目錄
				•			15		

i

質注別 質注問 質理體 理體 理體 で で で で の な 変 の な 変 の な 変 の な 変 の な 変 の な の な の な の な の な の な の の の の の の の の の の の の の
爲嚴司空謝招討使表
賀誅呉元濟表
為蕭相公譲官表
為蕭相謝追贈祖父祖处亡父表
論追制表
論諫職表

الحجوا 				ويسع فتنسينهم					
,						1			
				·	'	[ļ	
	ļ					. [
_		1		ľ		ĺ		;	
							ابد	ابد	ᄮ
•				,		ŀ	論	論	論
.	-		:		1	· [浙	JF.	날
•		1		·			40	77	발
-				, i		ļ	論教本書	論西戎表	論討賊表
. ``				'	İ	ŀ	=12-		主
		1					青	水	入
ī						į			
*		j				1		1	
1	İ	118					į		H
-		1				ŀ	1		
_			•						!!
		1				ļ .			
121					. [·] :
目線						1			- [
坏		1					İ		
							٠		
					,				
		1							
		,		.					
,	}								.
								,	
]					<u> </u>		. !	-
) -46					.	 			-
							<u> </u>		
	·		1						.
	\				}				
		<u> </u>			1				
	}	1]		1		1		
	<u> </u>	<u>il</u>		<u> </u>			<u> </u>	<u> </u>	نــــا

大言かることにこうころ 爭端而卿大夫羞以贓罪鞫人於聖代矣况何察乎由是 昔我元宗明皇帝得姚元崇宋璟使之鋪陳大法以和 欽定全唐文卷六百五十 網漏吞舟視盜不謹冠羯乘釁勃為妖気天下持兵垂七 神 失紀律四十年間海內滋殖風俗謹樸君臣平寧人無 元稹 而又益之以張說蘇類嘉貞九齡之徒皆能始終彌縫 朕因則末獲承祖宗分不得見四方無姑息之臣而 處分幽州德音 四

舊服使遼陽八州之衆重親開元之儀者則子侍中總之 澤旁流所宜霑貸其管內八州百姓並宜給復一年仍令 共賜錢一百萬貫以內庫及戸部見在匹段支送充賞給 用獎勤勞尚念幽州將士夙著熟庸易帥之初諒宜優錫 古者二百餘人悉是劉總選任材能久令假攝並與正授 子姪各授官樂大將賓寮亦皆超擢管內州縣官吏肅 力也名藩厚位予何愛馬劉總已極上台仍移重鎮兄弟 九有復升平之境矣上帝念我資予忠賢盡獻提封恢纘 金月白月文一着一下五十 州盧龍并瀛漠等州將士又念八州之內九賦用殷慶

欽定全唐文、卷六百五十 闕遺宜委宏靖具名銜聞奏如有父母在者別具上聞當 理人固當開釋尚恐自罹禁網亦念哀於管內見禁囚徒 沒者委宏清條錄聞奏當加追贈平時舊老始見胡塵復 於王事當道從前已來官吏將士等或忠義可嘉身已淪 罪無輕重並宜赦免大將及判官等雖已領官爵而或慮 **親朝儀得無悽抃遐想撫其兒稚自此免於兵鋒言念及** 加優邱朕以劉總父子並立戰功求言將吏之中處有沒 偏甚者委宏靖量事便宜優邱務令存立劉總素以清靜 給事中薛存慶往彼宣慰親諭朕懷州縣之中或有殘破 元稹

不遑安寧實惟祖宗之休尚賴股肱之力咨爾輔弼至於 義素高名節可尚或才兼文武卓然可獎者亦委宏靖具 靖差官就問量給栗帛管內州縣官吏有奉職清强惠及 方綠爾當勉於姚宋之功予亦無忘於天寶之戒宣示中 名薦聞於戲古人云安不忘危魏徵對太宗以守成之不 多奇士隱臺如在代豈乏賢如有隱於山谷退在邱園行 兹用加優給管內有高年學獨或疾察不能自存者委宏 易兹朕小子抑又何知而鎭冀克和幽熊復古慄慄夙夜 百姓者委宏靖具事跡奏聞當與量加進改燕趙之間古

欠日日日と一人長い百五十 皆懼罪有歸而賞當事也末俗偷巧內在外剛卿大夫無 至之毀重兩造之明是以爵人於朝則皆勸刑人於市則 責實循名不能彰善癉惡故孝宣必有告訏及下光武不 以能辭遽行語稱訕上之非律有匿名之禁皆所以防三 朕聞昔者卿大夫相與讓於朝士庶人相與讓於列周成 以還爭端斯起掩抑其言則專蔽誘掖其說則欺誣自非 王刑措不用漢文帝恥言人過真理古也朕甚慕焉中代 外宜體朕懷 戒斸風俗德音 元稹

準絕檢下而曰密奏風聞獻章疏者更相是非備顧問者 寺者不能以勤恪莅官而曰務從簡易提紀綱者不能以 互有憎愛尚非秦鏡照膽堯羊觸邪時君聽之安可不感 益多銷鍊浸潤之讒進則諛言諂笑以相求退則羣居雜 多りによう一分コーコー 比周之跡已彰尚於介特由徑之蹤盡露自謂貞方居省 生於別黨擢一官則曰恩皆自我黜一職則曰事出他門 處以相議語中不出之請蓋發其陰私公論不容之詞實 進思盡忠之誠多退有後言之謗士庶人無切磋琢磨之 謬俗化盆訛禍發齒牙言生枝葉率是道也朕甚

我高祖太宗化隋為唐奄完區夏包舉四海全付子孫其 書願垂戒勵之詔遂申誥教頗用殷勤各當自省厥躬與 旣去其尤者而宰臣等懼其寝染未克澄清備列祖宗之 侵於下輩大則機樞之重旁撓於薄徒尚念因而化之亦 有未乎理有未至曾無取格益用雕刻小則綜聚之權見 憫焉我國家貞觀開元同符三代風俗歸厚禮讓偕行兵 與已來人散久矣始欲導之以德不欲驅之以刑然而信 同底於道凡百多士宜體狀懷 長慶元年冊等號赦 · 元與 7

欽定全唐文、卷六百五十 助身讓於四三益甚其請皇太后始聞其事歡然慰心慈 界定自是幽冀賜予懷來荷賴景靈不訓不墜環歲之內 謹無援勃起洞無藩籬六十有七年兵草大試其何事哉 蠻莫不貢奉由是庶尹弛政庶吏弛刑視人不勤視盗不 君莫不升中慶成自以為堯舜莫已若也然而不為堯舜 旨不臨臣誠上迫祗受典禮懷乎予懷尚念昔者七十二 二方平寧粵子何功時帝之力而卿大夫猥以大號加子 據安逸而易萌漸也逮我聖父勤身披攘斬斷誅除天下 何事哉彼昏盈而我勞劬也明皇承之能大其業六戎八 匹

爽已前罪無輕重成赦除之惟故殺人并官典犯贓不在 改定全害文《卷六百五十 大夫謂我文武孝德矣其將何道以匡子予其兢兢業業 之行者來代無傳焉朕當推是為心不欲名浮於實今卿 降官流人本因犯贓得罪者宜依今年正月三日制處分 自勤予苟不思無忘納誨於戲溢美之名旣不克讓潤物 此限應左降官及流人未經量移者宜與量移近處有左 之澤夫何愛焉可大赦天下自長慶元年七月十八日昧 日慎一日慕陶堯虞舜之行以自勉思文武憲章之道以 京畿諸縣及庪支鹽鐵戸部買欠各疏理放免有差應經 元稹 拞

定戸宜委觀察使刺史必加實審務使均平京兆府亦宜 數均輸稅賦兼濟公私每定稅訖所增加賦申奏其諸道 准此其百司職田在京畿諸縣者訪開本地多被所由侵 等州給復限滿處置宜委所在長吏審詳墾田并親見定 朝墳墓所在並不得令人擅有毀廢愛人本於省賦雖在 戰陣之處所在州縣收處遺骸仍量事與槥櫝兼以禮致 をよったリニ 州約數千里須賜或踰於鉅萬給復有至於連年應河北 公輕國用出於地財又安可關令淮蔡并山東率三十餘 祭李師道呉元濟自絕於天並從誅戮念其祖父當事先

隱抑令貧戸佃食嵩荒百姓流亡半在於此宜委京兆府 勘會均配務使公平其京兆百姓屬諸軍諸使者宜令各 姓 具挾名勑下京兆府一戸之內除已屬軍使餘父兄子弟 欽定全唐文卷六百五十 史巡囚事涉情故或斷結不當有失政刑具事由奏聞其 件奏聞刑獄所緊理道最切如聞比來多有稽帶一拘图 據令式年幾合入色役者並令京兆府明立籍簿普同百 天下州縣並委御史臺并出使郎官御史兼諸道巡院切 **围動變炎凉自今已後宜令御史臺切加訪察每季差御** 例差遣頻年已有制物處分委京兆府舉明舊章係 元稹

察仍作條疏檢轄速具奏聞應停諸道年終勾并不許刺 遠皇城將士普恩之外各賜勲三轉大長公主公主嗣 史上使并錄事參軍不得擅離本州委御史臺切加糾舉 廣僦用資於游客若不嚴約弊何可除宜委度支精擇京 利盡歸於主掌善價不及於村間或虚招以奉於强家或 內外文武見任并致仕官賜官爵有差神策六軍金吾威 西京兆應供糧軍并和雜院官及管田水陸運使切加訪 郡主縣主神策六軍金吾威遠皇城等諸軍將士統軍以 加察訪近邊所置和雜皆給實價如聞頃來積弊頗甚美 欽定全唐文卷六百五十 并內定行事中使三品已上賜爵 中進中嚴外辨禮儀贊導押冊押實緩與寶冊官各加 其四統公主别有賜物構侍中讀寶戸部侍郎平章事杜 天孫會王明庭克勸盛典念吾妹之將遠於禮賓而宜 臚禮賓院應在城内蕃客等並節級賜物陰山貴女來迓 級其餘應職掌行事官并寫制書官太常修撰儀注禮官 正員奉冊奉寶綬書玉冊書寶官各加兩階進寶緩進冊 元類中書侍郎平章事崔植各加 下兼將士等長行立仗及守本軍本管者各賜物有差鴻 元稹 階撰册文官與一子 級四品已下加一 喈

節婦先以旌表者亦量加優恤五嶽四瀆名山大川并自 等普恩之外各加一階如已至三品四品者賜爵一級天 臣某言臣昨二十五日宰臣伏宣聖旨以陸贄敗官罪狀 不可書於詔命陛下慈仁愛人恩宥愚直仍令後有所見 古聖帝明王忠臣烈士各令所在以禮致祭 下百姓九十已上委所在長更量加存恤孝子順孫義夫 賜五十段尊師重傅有國常經李逢吉韋綬辞做丁公著 仍並賜熟兩轉鑴造玉冊并填墳金字造實張實官等各 論裴延齡表

等得罪之由起於競構此皆延齡每自倡言以弄威罷及 微頃以公事之間與延齡相敵未貶之月延齡亦以語 出聖東竊以李克勵志邱人勤身奉職惠愛之化洽於細 奉宣示姦詐乃明陸贄久在禁垣復典樞要今之譴責固 欽定全唐文、卷六百五十 附延齡者屏氣私門不知自保陛下聖德下照物無所遺 義構之端羣情是感臣聞大臣之體出於讒辭安可持密 勿之言為忿怒之柄朝廷側目遠通摇心百官素不能親 一獨厚於一夫而乃薄於天下伏惟發誠謹中官備問間 |開臣恭職諫司不勝大幸臣等前所上表言陸贄 元稹

虧損聖德濱亂與章逞其心欲以強毒黎元恣其苛刻以 官奉職以來未嘗忘死誓將忠怨上答鎔造竊以裴延齡 伏以貞觀遺訓日經宸心去其邪謀以慰天下幸甚幸甚 族亡家於臣何害事關大本不敢自私延齡姦計萬殊方 臣不勝懇迫之至 里有言延齡無罪李克有過臣實微則敢逃天誅李克覆 臣某言間者陛下親授臣以直言之韶又命臣以言責之 **邦贼必能公用財賄陰結匪人則他時之過彰聞路絕** 又論裝延齡表

忠善賢愚注耳朝野同辭臣固不敢飾其繁文再擾聰明 動摇邊鄙弄陛下爵位以公授私人监陛下威權以誘齊 支討管李玘配流播州張勛配流崖州仍各決六十斯則 所以畫夜感憤不能自寧者以陛下執刑賞之柄不僭在 欽定全唐文、卷六百五十 人延龄狡詐公行曾不為念伏見去年十二月五日敕度 所罰用直奉司罪名及加免聲大振陛下深鑒其事部命 延齡自快怒心曲遂其狀陛下聽之以誠謂為當舉峻其 令無必行姦以陷君孰任其咎儻二人獨決延齡之手死 元稹

宣細臣實寒心銷肉用是為憂伏惟俯鑒衆情召臣問狀 齡無辜辨之何害儻兇惡滋蔓鬱於人心決之不時所傷 皆不即驗問盡付延齡縲囚衣冠攘奪孤賤身不足償其 庭必欲人情織微不滯於外比來或事繁度支銜冤上訴 不得言化理之失豈不重乎陛下常以登聞之鼓置之於 构咫尺天門不敢上訴延齡之威益熾疲人之苦日深陛 怒家無以應其求怨痛內緘誰與為理增繳盈路動而見 下以延齡為賢言者皆妄不若明白其罪昭示萬方使延 非據罪在面欺臣不勝迫切之至

欽定全唐文》卷六百五十 · 萌象未見之時必有狂直敢言之士抵忌諱獻危言在上 謂萌象豈有他哉容直言廣視聽躬勤庶務委信大臣使 臣聞理亂之始各有前象二者無門在君上啟之而已所 者尚或宥而容之激而進之則天下之君子望風而悅曰 之前也此而不亂亦萬無一焉是以古者人君即位之始 萬無一焉大臣不親直言不進抵忌諱者殺犯左右者刑 左右近習者不敢敬疎遠之臣庶此理之象也此而不理 與一二近智者決事於深宫之中羣臣莫得參籌畫此亂 獻事表 元稹

寧危行言遜以保其終乎其小人擇利而喜曰君之所惡 也雖欲誘之為亂其可得乎臣故曰容直言廣視聽而 將直言以微利可也由是天下之賢不肖各以所忠貢言 被之狂而猶容於上上之人其欲來天下之士乎吾之道 則天下之君子自謀於心曰與其言且不用而身為戮吾 理者萬無一馬及夫進計者入而不出直言者戮而不容 智理萬物之心人人樂得其所戴其上如赤子之親慈母 於上上下之志霈然而通得失之情幽遠必達合天下之 可以行矣其小人竦利而喜曰彼之直可以得幸於上 五

欽定全唐文卷六百五十 見也朝廷之情不得聞也而况於天下之大四方之遠乎 見者草而不內言事者寢而不聞若此則十步之事不得 者拂心逆耳之言也吾將苟順是非以事之可也由是進 故曰聲瞽之君非無耳目也盖左右前後者屏蔽之不使 大悦厚賜田宅以勉之自是言事者惟懼乎言不直諫不 矣於是房杜王魏之徒議可否於前天下四方之人言得 極不能激文皇帝之盛意曾不以觸龍鱗犯忌諱爲不可 視聽爾此而不亂其可得哉昔太宗文皇帝初即位時天 下之人莫有諫者唯孫伏伽當以小事特諫於上文皇帝 元稱

盖亦羣下各盡其言以宣揚發暢於天下也且夫樂全安 惡戮辱哉蓋文皇激而進之之功也喜順從而怒害犯亦 率由斯道致俗和平況陛下以上聖之資紹復前統即位 子孫垂不朽建求安之計也為後嗣者其可順一朝之意 古今之情一也豈獨文皇甘逆耳而怒從心哉蓋以順從 失於外不四三年而天下大理豈文皇獨運聰明於上哉 而輕用文皇之天下乎累聖傅序於今垂二百年矣莫不 之利輕而危亡之禍大無窮之業重而奉已之事微思為 而惡戮辱古今之情一也豈獨貞觀之人輕犯忌諱而不

之日天下惟新罪叔文之徒而凶邪之黨散懸惠琳之首 之田而蒸废之情感其餘滌瑕緩死薄賦邱人賜帛者年 遺補闕亦未有奏一封執一諫受陛下激而進之之動者 曾未有獻一 陛下即位已來旣周歲矣百辟卿士至於天下四方之人 劣一二而能明然而臣竊復孜孜咄咄有所未決者獨以 陛下上 旌間孝悌修廢學建義倉莫不曲被殊私單於有截斯皆 而悖亂之氣消發承光之詐而假威之孽除反焦陂一 次完全 告上一卷六百五十 一法堯舜近法太宗致理之萌形見者數十豈臣庸 一計進一言受陛下伏伽之賞者左右前後拾 **元**稱 上

るうとチ 之意者若臣等備位諫列名為供奉官順日彌年不得召 拾遺補闕為冗員臣竊思之以陛下之客博宏深勵精求 供奉官尚爾又況於疎遠之臣庻雖有特達不羣之智思 設諫鼓置壓函曾未聞雪一 明之罪也且臣思之今之備召見承顧問者獨一二執政 理豈或入而不出言而不用哉蓋羣下因循不能有所發 欲自効其路何階遂使凡今之人以諫鼓壓函為虛器謂 見每就位屏氣鞠躬不敢仰視又安暇議得失獻可否哉 對歇不及俄頃之間議天下之事臣竊料之 17. 17. 17. ... 宽決一事明陛下無幽不察

欽定全唐文人卷六百五十 常品若復默點與在位者處則臣莫大之罪亦邁於常品 服又安足置牙齒間臣竊惟陛下以景命惟新之初何如 非羣下因循竊位之罪乎若臣稱者稟性稱鈍昧然無識 之初在四方多虞之日然而言事進計者終嚴無一人豈 貞觀致理之後當貞觀致理之後以房杜王魏匡輔之智 然以當陛下臨御之始首陛下策賢之科擢授諫司恩邁 瑣瑣有司或時一召見言薄書之出入計錢穀之登降不 而猶上封進計者薦至獻可替否者日聞今陛下當致理 承聖問仰謝罷光之不暇又安服陳理亂議教化哉其餘 元稹

安輒敢冒昧殊死件奏十事於後一曰教太子以崇那本 門奏表并事件以聞臣稹誠惶誠恐頓首頓首死罪死罪 辟以廣聰明七曰復正衙奏事以示躬親八曰許方幅糾 亦臣之願也無任怨悃奮激効節愛時之至謹詣東上闔 女以遂人倫五曰無時召宰相以講成政六曰序次對百 二日封宗王以固磐石三曰出宫人以消水早四曰嫁諸 福也天下之福也苟或言之而非非而見罪乃臣之分也 以防街蹶凡此十者設使言之而是是而見用非臣之 以懾姦伎九曰禁非時貢獻以絕誅求十曰省出入畋

宜尚忝官榮誠恐誠慙死罪死罪臣八歲喪父家貧無業 謹言 たらいましたまでする 母兄乞丐以供資養衣不布體食不充腸切學之年不蒙 臣稹言伏奉今月三日制書授臣使持節同州諸軍事守 師訓因感鄰里兒稚有父兄爲開學校涕咽發憤願知詩 府迫逐不敢徘徊闕廷便自朝堂匍匐進發謹以今月九 同州刺史兼本州防禦使臣罪重貴輕憂惶失據應為臺 到州上記臣某辜負聖朝辱累恩獎便合自求死所豈 同州刺史謝上表 元稹

金写与月以光プモラー 宰相所憎貶臣河南縣尉及為監察御史又不敢規避專 遂無交結任拾遺日屢陳時政蒙先皇帝召問延英旋為 臣吹噓無親黨為臣援庇莫非苦已實不因人獨立成性 八紫制舉首選授左拾遺始自為學至於升朝無朋友為 為文風夜强學年二十四登吏部乙科授校書郎年二十 司廢棄十年分死溝濱元和十四年憲宗皇帝開釋有罪 心糾繩復為宰相怒臣不庇親黨因以他事貶臣江陵判 書慈母哀臣親為教授年十有五得明經出身自是苦心 始授臣膳部員外郎與臣同省署者多是臣初登朝時舉

散之後牛元翼未出之間每聞陛下軫念之言微臣恨不 次に自由と、長下年上十 **充承旨學士全章紫服光飾陋軀生人之樂臣亦至矣然** 藝朱書授臣制誥延英召臣賜維宰相惡臣不出其門由 身先士卒所問於方計策遣王友明等救解深州蓋欲 羣議擢備台司臣忝有肺肝豈並尋常宰相况當行管退 臣益遭誹謗日夜憂危唯陛下聖鑒照臨彌加保任竟排 是百計侵毀陛下察臣無罪罷獎逾深召臣面授舍人遣 心曲就輩流亦以望風怒臣不料陛下天聽過早知臣漢 任 卿相者半是臣同諫院時拾遺補闕愚臣既不能低 元稹 上

豈料聖慈尚在薄貶同州雖違咫尺之顏不遠郊畿之境 京城鐘鼓之音臣雖黃土覆面無恨九原臣某無任自恨 餘生未死他時萬一 京國目斷魂銷每至五更朝謁之時臣實制淚不已臣若 對延英此時不解泣血仰辭天顏便至今日寬逐臣自離 伏料必是宸東獨斷乞臣此官若遣他人商量乍可與臣 論塵黷聖聰愧羞天地臣本待辨明一了便擬殺身謝責 遠處藩鎮豈肯遣臣俯近關庭臣所恨今月三日尚蒙召 副聖情豈是别懷他意不料姦人疑臣殺害裴度妄有告 歸還不敢更望得見天顏但得再聞

党項小有動揺臣今謹具手疏陳奏伏望恕臣死罪特 とことましてまちりるよ 具楚之津梁據咽喉之要地將騎卒悍易動難安急攻則 越逸是憂緩取則遷延易變自非陛下盡排奉議獨斷层 定率土無處凡在臣僚實增於抃臣某中賀伏以汴州抱 臣某言伏見逆賊李尔已就誅夷韓充入汴州記一方旣 殿中監馬宏直奉表謝罪以聞 聖覽臣此表并臣手疏並請閣中不出謹遣差知衙官試 自慙攀戀聖慈之至然臣 賀汴州誅李岕表 元稹 日未死亦合有所陳論或聞 畱

多分子是了 **鯨飽破茲桌稅臣推凶志切受國恩深仰荷威靈倍萬常** 臣某臣聞兩雕有晦明所以成其不已四瀆有盈縮所以 品限以符守不獲稱慶闕庭無任踴躍屏營之至 東外委將臣內數皆算風行號令天助機謀則何以斬此 是以軒轅神倦然後夢華胥之游泰穆疾寐然後享釣天 成其不竭不有燎火無以辨玉質不有霜霰無以見松心 奉臣朝賀伏審聖躬萬福親見百家率土皆歡溥天同慶 臣某言今日得上都進奏官報稱昨日陛下御紫宸殿受 賀聖體平復御紫宸殿受朝賀表

質以開 钦定全唐文、卷六百五十 無任跳躍歡欣瞻望徘徊之至謹差知衙官劉宗奉表陳 穆卜言吉勿藥有瘳此所以表北極之長尊配南山而永 固者也况日臨黃道萬物皆荣帝御紫宸千官畢賀臣以 以勞逢福非臣臆度敢進瞽言昨者聖體不安總經旬日 臣某言伏奉今月二十九日制授臣御史中丞龍秩踰涯 守符外郡不獲稱慶明庭空懷鼓舞之心有阻廣歌之末 樂堯以癯齊而為聖禹以胼胝而稱功斯皆因疾成好 代李中丞謝官表 元稹

階豈謂天眷曲臨過蒙獎拔坐令專席位添中司因當陳 或因瑣碎之文而執簡當朝實由睦族而致頃以材爲氣 柱求姦碎首請事死而後已義不苟然增日月之末光答 臣某言中使某乙至伏奉今月十九日初以臣兼充申之 乞於天安敢切榮於已如或綸言既降丹慊莫從則當破 直屢棄遐荒陛下擢自遠藩任兼臺閣夙夜循省効報無 心魂戰越臣某中謝臣生值聖時陰分天屬雖牽絲入仕 天地之殊造無任怨款屏管之至 為嚴司空謝招討使表

蔡等州招討使并賜臣手部兩道天光下濟聖澤逾深棒 詔慙惶心魂戰越臣其中謝伏以陛下威加四海德被萬 縣道此誠仁人孝子決憤激忠之日也陛下尚先合垢未 方下蜀無束馬之勞平吳但斬鯨而已百蠻逃職九有懷 忍加誅曲示綏懷俾臣招撫臣誠雖懇到性本辱愚任重 仁凡在生成就不柔茂而蕞爾元濟天將勘除真蟊賊於 次定全事文· 失六百五十 憂深驚惶失據然以苗心可化舜舞方與仰荷威靈真其 其心假螻蟻以為聚父死不葬王命未臨擅齊師徒偷侵 柔服臣即日與鄰道計會奉宣部旨誘諭頑凶威愛並施 元稹

臣聞拯遺此於溝瀆非聖不能掃餘冷以雪霜非天不可 聖情不令驚擾臣先奉恩詔令臣發赴唐州不獲奔走伏 遺孽其歸投百姓等臣並准部别加優邱置在安全仰副 使之來格如或尚驅泉獍不襲椒蘭臣則誓死剪除俾無 繼爲凶妖謂君命可逃以父死爲利陛下疑茲客算取彼 謝闕庭無任恐懼之至 日者神棄申蔡蓄為汗豬五十年間三后貽顧眇爾元濟 凶殘不越殷宗之期遂動淮夷之命威動區宇道光祖宗 賀誅呉元濟表 オフーニニ

驚朔手足失墜臣某中謝臣猥以凡才謬居重任當陛下 欽定全唐文、卷六百五十 材再提腹背之毛重委股肱之地大狐人望猶簡帝心雖 惟新之始辱陛下爰立之恩有累樞衡無禪家職外致匈 悉台階自顧疲夥方求息駕**豈謂陛下特迁宸鑒曲用**朽 奴之哂內失蒼生之心推換炎凉因循聖澤妨塞賢路塵 臣某言伏奉今日制授臣某官恩加望外體過憂深魂魄 凡在生成孰不散竹臣忝官藩翰不獲率舞嗣庭瞻望徘 **徊無任踴躍屏營之至** 為蕭相公讓官表 元棋 克

能有以匡遠聖明龌龊知慙屏營失據常恐孔悝銘鼎折 妄繼元成之官實處仲弓之德自陛下遣臣待罪宰相不 臣父或勲或賢義者族娲名書國籍逮臣不肯有累前人 恩别受沃心之相全陛下始終之道成微臣生死之榮無 君父恩深莫知其惡而駕點力竭何以自安豈敢退而生 恩波下濟澤被窮泉天眷旁臨日聞幽穸臣某中謝臣祖 任懇迫慙惶之至 全實願求其死所伏望再移天眷重選時英特回加滕之 為蕭相謝追贈祖父祖此亡父表

足可期於敢間門構堂無所豈謂偶逢昌運幸沐殊私赦 埃勃淺彷徨自顧跼蹐何安無任感德忘驅之至 光升卿之言果驗孫謀表慶令伯之報方申海嶽恩深涓 臣致冠之辜念臣積善之本追崇祖禰錫命官封子道有 史論修處州刺史高宏本通州刺史豆盧靖曾不涉旬並 得人不當虛授的或任使不可屢遷臣竊見近除寧州刺 初臨萬內務切黎元至於牧守字人之官所宜詳擇尚未 臣聞令之必行於下者信也令有不信患其大馬今陛下 となったことでいることに 論追制表 元稹 1.51

金分子生文一老プモュー 竊恐陛下之令未能取信於朝廷而況於取信天下乎臣 所以不命而人從不言而人信豈異事哉率是道也今陛 輕其舉以是為非者罪必及然後下不敢用其私此先王 知誰請於陛下而授之誰請於陛下而追之追之是則授 已追制又以杜兼為蘇州刺史行未半途復改郎署臣不 而追之者不得無過若追之者理勝則舉而授之者不得)非授之是則追之非以非為是者罰必加然後人不敢 願陛下後舉者之詞察追者之請若舉者之詞直則請 如論之令朝降反汗之詔夕施紛紛紜紜無所歸咎臣

款之至 虚授下不隱情臣竊觀今之備位素餐不得其職者莫過 命之間四方所仰小有得失天下必聞臣實庸思謬居諫 無辜賞罰是非所宜明當況陛下肇臨黎度教化惟新誥 次定全害文 卷六百五十 游寢食之間王魏實在其所用至於文皇發一言則王魏 於臣輩臣聞太宗文皇帝時王珪魏徵為諫官文皇雖宴 臣聞先王之制禄也居其位而不行其職者誅是以上 列職當言責不敢偷安尚有所裡萬死無恨無任愚迫怨 論諫職表 元稹 亖

然大不得備召見次不得參時政排行就列纍纍而已且 計豈干戈征伐之所致乎蓋擁蔽之患銷而幽遠之情達 未廣也因命三品以上入議軍國大政必遣諫官一人隨 当ライナニーラニー 也岩此然後可以稱天子之諍臣矣近之司諫諍者則不 善之而後出舉一事則王魏慮之而後行以文皇之明合 行不四三年而天下大理蠻夷君長帶刀入侍者不可勝 馬有父子之恩焉有朋友之歡焉是以否無不替可無不 入以參驗之當是之時司股肱耳目之任者有君臣之義 王魏之智是以舉無遺事言有典常文皇猶以為視聽之

欽定全唐文、卷六百五十 臣聞之諫官之職曰左右前後拾遗補闕大則廷議小則 光信無裨於萬一矣至使凡令之人以上封進計為妄動 之君臣之際論列是非諷諭於未形籌畫於至密尚不能 拾遺補闕為冗員以此稱供奉官與王珪魏徵為等列臣 之除授然後奏一封執一見思欲收絲綸之詔週日月之 詩令有不便除授有不當則奏一封執一見而已以臣思 閥補拾何階不得敷陳廷議安設其所謂舉諫職者唯獨 回至尊之盛意備義歷之巧言而況於旣行之語令已命 封近年已來正衙不奏事無官罷廷對岩此則不見遺 元稹

官之罪亦臣之所以甘心也無任怨款發憤効職忘驅之 侍從固不當假以名器立之於朝苟以為務廣聰明稍關 官之職尚或言有可採得裨陛下萬分之一是臣千載之 英候對召臣一見賜以溫顏使臣得盡愚懇之誠備陳諫 理道又不當屏棄疎賤之使至於此伏願陛下許臣於延 雖至愚能不自處且陛下若以為臣等無所裨補不足參 至謹詣東上閤門奉表以聞 時也如或言不詣理塵贖聖聰則臣自真刑書以謝謬 論討賊表

煦 震曜之異馬始其生也動之以幽伏被之以春陽扇之以 威赫然後項帶之心改幽蟄之氣宣豈天之道仁於彼而 厲於此乎化與不化之異也是以出尤之亂作黃帝鑄 仁風潤之以膏兩則百果草木之柔者順者油然而生矣 罪已泣辜之仁也微臣何足以識之哉然臣聞之天之所 及夫勾曲角觡堅本頑心疑者滯者幽者蟄者扇之以和 以為天者以其能化物也物之性不一故天之道有和照 臣伏見賊關有不庭之罪陛下尚覆露以待之此誠陛 さい とことうこと からとしてして 而不出潤之以膏雨而不滋則必迅之以雷震曜之以 元稹 MI II

告崇之以龍章而不至假之以旄鉞而益驕戕賊我忠貞
 多院在此文意之下五十 損污我仁義人人不勝其慎有司不忍其威是以違陛下 得食其肉而快其心久矣陛下猶聲之以名爵導之以訓 醜天將棄之寘蟊賊於其心假螻蟻以為聚忠臣孝子思 陛下法天之德與物為春凡在生成孰不柔茂而蕞爾被 夢華胥舞干羽而瞬之於仁壽哉蓋不可化也及夫舞干 王之德有優劣哉盖当尤共工苗人崇人罪有深淺也今 兵以殺絕之共工之行惡虞舜揭五刑以放死之豈不欲 而適至因壘而來歸此又物之可化者也豈黃帝虞舜文

守禦之利也然而河湟之地日削田來之業日空塞下之 次定全害文· 长六百五十 蒙恩顧問竊見陛下患戎之意深矣自貞元以來國家所 天下人人之憤實天下幸甚微臣無任懇悃嫉惡之至 善矣其如天下之憤何其如天下之憤何臣願陛下可有 憤激忠之日也陛下循思因壘以降之舞干以化之善則 以甘億兆之費於塞下盡以犬戎有侵軼之患而邊人思 司之奏法皇天之威與公卿大臣議斬叛弔人之師以快 匿瑕含垢之仁順皇天震曜殺戮之用此誠天下人人快 論西戎表 元稹 玉

殊死而出入於係屬哉此又非他與分力散而責師之刑 至則卒伍被甲而乘城野人空緣以應敵此又耕戰之術 繕完不失其守者則朝廷議賞之不給又孰肯推鋒刃冒 無所加也而又加之以為農者不教戰屯聚者不兼農冦 掠萬人則日力弱不足以應敵援寡不足以推凶苦謹閉 堡異其師長獲一馬則圖功屬一戎則告捷至於屠縣道 指然後敵可擒而軍可制也今之屯戍者則不然象其城 聞之君之命帥帥之命將將之使卒猶心之使臂臂之使 人日亡戎狄之心日熾若此非他不得備之之術也且臣 合りと手 シラファニー

之於野限人名田復其租入然後因其阡陌制之間井因 虞陛下又董之以良帥威之以必刑則彼瑣瑣之戎陛下 守禦之兵矣三五年間塞下有相因之粟邊人無侵軼之 其卒伍樹之師長固其塍塹以備不虞犬戎適至則有連 廣於荒隙大建屯田塞下諸軍除使令守防之外一切出 劉之所理也土宜植物人務稼穡陛下誠能使本道節制 不修而也聚之方太逸也今夫が岐汗龍之地皆后稷公 之聚食者盡歸之於服勤之農矣前此之係虜者盡化為 **阡接畛之兵戎騎纔歸則復緩鋤養耨之事若此則曩時** 欠日 日子と 長いすらけ 元稹

多另自是了一是一十二十二 也又何必詢王恢使蘇武用晁錯訪妻敬而後復河湟稱 臣無任怨款憂邊之至 殊死而言之臣聞善奕棋者將切其棋必固其贏是以敵 即叙哉此備我之大略也方今猶有急於此者臣敢冒昧 將署其君長征其牛羊奴虜以擒之可也螻蟻以攘之可 下又輟邊將以統問罪之師脱或蜂蠆相完尚稽天討兵 可殺而地不危今庸蜀有犬吠之舊南蠻絕貢誠之路陛 不解綿夏涉秋則犬戎乘釁啟心之日也陛下其圖之

為之師周公為之博召公為之保伯禽唐叔與之游禮樂 臣伏見陛下降明詔修廢學增胄子選司成大哉堯之為 钦定全喜文《卷六百五十 亂之聲口不得習操斷擊搏之書居不得近容順陰邪之 詩書為之習目不得閱淫監妖誘之色耳不得聞優笑凌 君伯夷典禮爽教胄子之深旨也然而事有萬萬急於此 之然也誠哉是言且夫周成王人之中才也近管蔡則讒 者敢冒死而言之臣聞諸賈生曰三代之君仁且久者教 不謂教之然耶始其為太子也未生胎教既生保教太公 入有周召則義聞豈可謂天聰明哉然而克終於道者得 元稹 Ę

黨游不得恣追禽逐獸之樂玩不得有遐異僻絕之珍凡 性亦然是以魚得水而游馬逸駕而走鳥乘風而朔火得 之說固吾之所積懼也諂之者有以辨焉人之情莫不欲 薪而熾此皆物之快其所蘊也今夫成王所蘊道德也所 耀其所能而黨其所近茍將得志則必快其所蘊矣物之 道德之言固吾之所習聞也陳之者有以諭焉回伎庸違 事日陳於前固不能奪已成之習已定之心矣則彼忠直 きリンプランプラコ 及其長而為君也血氣旣定游習旣成雖有放心快已之 數者非謂備之於前而不為也亦將不得見而為之矣

愚天下點師保之位曰將以明君臣胡亥之生也詩書不 忍戕賊之術且日恣雖天下以為貴莫見其面以為尊是 得聞聖賢不得近彼趙高者許宦之戮人也而傅之以殘 至也可不謂信然哉及夫秦則不然滅先王之學曰將以 威懾天下而胡亥已自幽於深宫矣彼李斯者秦之寵丞 以天下之人未盡愚而胡亥固已不能分獸畜矣趙高之 相也因讒冤死無以自明而况於疎遠之臣庶乎若此則 公齊快其為則與禮樂而朝諸侯措刑罰而美教化教之 近聖賢也是以舉其近則周公左而召公右伯禽魯而太 1.1 (E) 元與 11.

位之後雖宴游飲食之間若十八人者實在其中上失無 藩邸以至於為太子也選知道德者十八人與之游習即 不言下情無不達不四三年而名高盛古豈一日二日而 貴者敬其賤者無乃鄰於倒置乎泊我太宗文皇帝之在 舉孝設學崇儒為意曾不知教化之不行自貴者始署其 卒不能蘇復大訓是以景武昭宣天資甚美總可以免禍 亂哀平之間則不能虞篡弑矣然而惠帝廢易之際猶賴 秦之亡有以致之也漢高承之以兵革漢文守之以康謹 欽定全唐文、卷六百五十 羽翼以勝其邪心是後有國之君議教化者莫不以與康

欽定全唐文卷六百五十 之職終不能措扶衛之一詞而令匠胡安金藏剖腹以明 之愛其子循求明哲慈惠之師以教之直諒多聞之友以 廢眊瞶不任事者為之即休戎罷帥不知書者處之至於 之豈不大哀哉兵與以來兹弊尤甚師資保傅之官非疾 二聖危難之際雖有骨鯁敢言之士旣不得在調護保安 也文皇之後漸疎脱之至於母后臨朝剪葉王族當中睿 餘官僚選亦甚重馬周以位高恨不得為司識郎此其驗 **友諭贊議之徒疎冗散賤之士甚者搢紳恥之夫以匹夫** 致是乎游習之漸也貞觀已還師傅之官皆宰相兼領其 元科

萬代之後有若周成王之中才者而又生於深官優笑之 於列聖之謀則可也計無窮之業以傳後嗣則不可脱或 唐德以舜繼舜以堯繼堯傅陛下十一聖矣莫不生而神 而保養其躬哉臣以為積此弊者豈不以皇天眷佑祚我 又疎棄斥遠之越月踰時不得召見彼又安能傅成道德 制宫僚之外往往以沉滯僻老之儒充侍直侍讀之選而 疎冗散賤不適用者為之友乎此何不及上古之甚也近 成之豈天下之元子而可以疾廢耗聵不知書者為之師 明長而仁聖以是為屑屑習儀者故不之省耳臣獨以為

稼穑之艱難乎今陛下以上聖之資肇臨海內是天下之 間無周召保助之教則將不能知喜怒哀樂之所自矣况 欽定全事文 卷六百五十 元禄 旣備則資游習之善以宏德此所謂一人元良萬國以貞 撒膳記過以警之血氣未定則輟禽色之娱以就學聖質 練達機務者為之更進迭見日就月將因令皇太子泊諸 游習之漸選重師保慎簡官寮皆用博厚宏深之儒而又 之化也豈直修廢學選司成而足倫匹其盛哉而又俾 人傾耳注目之日也特願陛下思成王訓導之功念文皇 王定齒胃講業之儀行嚴師問道之禮至德要道以成之 芜

珠殊死而言之臣稹謹奏 然後選用賢良樹爲藩屏出則有晉鄭魯衛之盛入則有 與夫魏晉以降囚賊其兄弟而自剪其本枝者同年而語 東牟朱虛之强蓋所謂宗子維城犬牙磐石之勢也又豈 百王莫不纫同師長同術識君道之素定知天倫之自然 微臣竊不自揆思為陛下建永永無窮之長算輒敢冒

金								uin 22 a (a 1616)	4
欽定全唐文《卷六百五十一日錄	<i>7</i> -	謝御劄狀	謝賜設狀	謝恩賜告身衣服并借馬狀	謝准朱書撰田宏正碑文狀	辨日旁瑞氣狀	兩省供奉官諫駕幸温湯狀	元稹五	欽定全唐文卷六百五十一目錄
									ない。 ない。 ない。 ない。 ない。 ない。 ない。 ない。

進西北邊圖經狀進西北邊圖經狀進西北邊圖經狀為蕭相國謝太夫人國號告身狀為蕭相國謝太夫人國號告身狀為一子官與弟狀

|--|

的复数形式 经收益的 医多种性 医多种性 医多种性 医多种性 医多种性 医多种性 医多种性 医多种性					浙東論罷進海珠狀
and the Consequence of the control of the second of the second of the second of the second of the second of the					海味米

.

官比毀永絕修管官曹盡復於田來殿宇半理於嚴谷深 麗財力耗頓數年之外天下蕭然累聖已來深懲覆軟覺 中萬乘齊驅有司盡去無妨朝會不廢戒嚴而猶物議宣 於聽山置官曹於的應警雖於綠垣之內周行於馳道之 自元宗皇帝乘開元致理之後當天寶盈羨之秋華殿宇 欽定全唐文卷六百五十 欽定全唐文 卷六百五十一 今月二十一日車駕欲幸温湯右臣等伏以駕幸温湯始 元稹五 兩省供奉官諫駕幸温湯狀 元稹

宿張則原野非徼巡之所若鑾車夕入則門禁失啟閉之 然况陛下新御寶圖將行大典郊天之儀方設謁陵之禮 時六軍守衛於空宫百更宴安於私室忝爲臣子誰不惕 途無拱辰之備若乘與稍具則邑縣有駕肩之憂若帳殿 林有逸才之獸環山無匡衛之廬陛下若騎從輕馳則道 未追遽有温泉之行恐失人神之望臣等謬居崇近冒死 駭羣情勝境未周聖躬徒倦臣等無任 題迫忘驅之至謹 之期則云亭之禪可登崆峒之駕非遠豈必驅馳一往來 上言伏乞特罷宸游曲回天眷稍待昇平之後別小游幸

後竊見其日除王潛郭到田布等官則陛下凡有舉措 按乙巳占有赤氣橫在日上謂之戴其分當有益土進野 合天心微臣所引占書悉皆期驗伏請以戴氣宣付史官 推戴人君之象又人君當立王侯封建親戚以爲福佑 右奉宣其日日上有横赤氣五色鮮明黃潤日兩邊各有 氣內亦外青辛臣稱賀云是五色雲見不知是否者謹 東上閣門奏狀以聞伏候動旨 辨日旁瑞氣狀 今月二日日 旁瑞氣

當拜將抱者扶抱向就之象隣國臣佐來降天子有喜賀 方來賀亦可謂陛下凡有舉措盡合天心微臣所引占書 之事子孫之慶臣下忠誠輔主國中歡喜和合今非狄 珥所謂殊祥宰臣怒遽之間未暇精究其事此皆陛下 以前件圖籍作載如右伏以五色慶雲蓋是小瑞戴氣抱 悉皆明驗伏乞亦以抱珥宣付史官不可誤書五色雲見 欽定全唐文卷六百五十一 親西戎通好時者承元請命其日三將同升萬姓歡呼 不可誤書五色雲見又云青赤短小在日旁謂之珥微 日謂之抱珥者纓珥之象天子有喜無有和親之事又

豈沖昧微誠能致昊客之既宜令有司擇日告廟上以奉 感上帝垂休克呈捧日之祥以展動天之德微臣同霑侍 悉若此則陛下感通之德已見九霄推讓之風將光萬葉 次定全事と一人大三年二十一 參驗圖書葢是戴珥之象此皆祖宗積慶特示子孫之祥 從別感恩慈方當鼓舞之時恨不叫呼而賀然臣以為陛 行郊廟誠達神祗展百拜而忘疲入九室而流涕近臣 高祖無窮之祐次以報憲宗有截之功誕告華夷並合知 下特宣手動字臣云今月二日卿等所言日旁五色雲見 爛然宸翰手勒以示於宰臣煥乎天文撰詔自生於聖旨 元稹

台席内委翰林妙選雄文式揚丕績豈謂天光曲照御 積成忠怨大有熱勞人懷去思願刻金石陛下所宜外 宏正首變魏俗彰先帝之睿謀近入鎮州宣陛下之神 右臣伏准今月二十四日勅令臣撰前件碑文者伏以 事超萬古道冠百王伏惟天恩密賜裁察 特書機付微臣實非常例臣頃以特恩拔權便欲効死 | 竭愚誠界蒙召對自去年九月已後橫遭謗毀 とうとうまというこ 謝准朱書撰田宏正碑文狀 魏博節度使李愬請與田宏正立德政碑 田

欽定全唐文、卷六百五十一 借馬者忽降天書乍乘雲驥頒衣煥目實帛盈庭皆非朽 右泰倫重晏至奉宣恩旨授臣前件官告身衣服匹帛及 鏤骨鉛肌之至 粗有肺腸空懷感涕之心未獲殺身之所無任感恩思報 陋之才宜受光揚之賜微臣無任抃躍慙惶之至况臣素 記憶姓名無人奏請撰碑便自宸東宣付微臣忝非木石 再覩天顏分隨枯朽而凋永絕恩波之望豈料聖慈長在 疎愚且無朋黨去年陛下權自郎吏命掌書詞非因**宰** 謝恩賜告身衣服幷借馬狀 元稹 四

居近 司 相 令承 旨不 願班資近日 龍樂無臣此例發言感泣 心苟無死節之誠願受鬼誅之禍伏奉恩旨令臣 誣不敢保全軀命豈謂恩光轉至睿澤逾深出自宸衷選 務 赴 李愿入朝並要面自論奏伏料二十日入假已後南衙 奏論特是聖慈超授感恩深 稍閒特乞恩許臣中謝謹錄奏聞伏 上舊例更合中謝伏緣先有疏論邊事及幽州事宜 地便令入院當日 謝 賜設狀 召見天 顏口 勃授官面賜章服 切頻獻封章遂遭分外侵 聽 進 明日 指 日 誓 抜

露頻施涓埃莫效陛下載分美禄特降珍羞空懷滿腹之 勸勲勞置體之恩以待賢彦微臣猥尽天眷程自內庭雨 枉害忠良若與元翼鎮州節度使即是捨賊之門者伏以 右泰倫重晏至宣賜臣前件御劄其中聖旨云鎮州逆 熟未有沃心之鯁旣充膚革誓極肺肝竊位素餐實非誠 右今日某乙奉宣恩旨賜臣就院設者臣聞推食之賜用 願微臣無任感激恩私之至 謝御割狀 御劄二十三字 元稹 亂

客算若神聖慈猶父視凶狡之構亂義在克清念台輔 多员全唐文 卷六百五十一 爽 右前件碑文伏紫御劉朱書遣臣撰述恩生望外事 窥測况臣謀猷失次罪戾是憂宸翰忽臨天章與發舞 街克期於必報此益仁深天地勇過雷霆臣實庸愚難議 肌骨微臣無任踴躍光樂之至 回翔於懷袖飛龍顧盼於綠細豈獨傳之子孫便可鏤 錦鏤骨肌難 進 田宏正碑文状 田宏正魏博德政碑文 酬雨露臣伏以陛下所以令臣與宏正立

欽定全唐文《卷六百五十一 未詳雖臨四達之衢難掩萬人之口臣所以效馬遷史體 伏乞天慈特雷宸鑒其碑文謹隨狀封進謹具奏聞伏候 勅旨 吏觀敘而愛忠不隱實功不爲溢美文雖朴野事頗章 **敘事直書約李斯碑文勒銘稱制使宏正見銘而戒逸將** 功熟臣若苟務文章廣徵經典非唯將更不會亦恐宏正 碑葢 欲遣魏博及鎮州將吏等並知宏正首懷忠義以致 進詩狀 臣某雜詩十卷 元稹 天

古今樂府稍存寄與煩近謳謡雖無作者之風粗中道 聚螢之照欲爲陳獻益自慙惶况臣九歲學詩少經貧賤 十年前官備極恆惶凡所爲文多因感激故自古風詩 深江海文動星辰乙夜觀書秋風詠賦微臣入院之始 右臣面奉聖旨令臣寫錄雜詩進來者伏惟皇帝陛下 不得目觀宸翰臣實籍得心念聖言既仰燭龍之光難逞 士等威傳陛下親批賀兩一章體備鸞皇思深珠五臣 自遣旣無六義皆出 採自律詩百韻至於兩韻七言或因友朋戲投或因悲 時詞旨繁無倍增慙恐令謹隨

欽定全唐文 卷六百五十 元稹 盡在又太和公主下嫁伏恐聖慮念其道遠臣今具錄天 狀陳進無任戰汗屛營之至 聖躬尋於古今圖籍之中纂撰京西京非圖經共成四卷 猶處幅尺高低閱覽有煩於容鑒屋壁施設俯仰頗勞於 右臣今月二日進京西京北圖一面山川險易細大無遺 德城以北至回鶻衙帳已來食宿井泉附於圖經之內幷 所冀在席之上欹枕而郡邑可觀游幸之時倚馬而山川 進西北邊圖經狀 京西京北圖經四卷 سار

臣數日之間別畫一京西京北州鎮烽戍道路等圖已畢 龍圖勘驗皆有差異幷檢尋近日烽鎮城堡不得令臣所 擬進呈前月十一日於思政殿面奉聖旨云諸家所進河 右臣先畫聖唐西極圖三面草本並畢伏候面自奏論方 別寫一本與圖經序謹同封進其圖四卷隨狀進呈 盡稍須精詳伏緣臣先畫西極圖疆界開遠郡國繁多若 烽鎮館驛盡言即山川膀帖太密恐煩聖覽不甚分明愚 進西北邊圖狀 京西京非州鎮烽戍道路等圖一面

欽定全唐文卷六百五十一 熟者宣示其道辨別精粗即知臣愚一一皆有依憑不敢 所若欲驗臣此圖與諸家所進何如伏乞聖明於南衙 戍道路等圖并序謹隨狀進呈 陳伏恐次及降誕務繁未敢進狀候對其京西京非鎮烽 妄加增減其聖唐西極圖三本伏綠經晷意大事須面自 織毫必載尺寸無遺若邊上奏報烟塵陛下便可坐觀 北軍中召取一久任邊將者或於中使內有經過邊上 進雙雞等狀 同 州防禦使供進烏鶻弁雙雞共四聯 **元**稹

恩之至謹遣其官其乙隨狀奉進謹進 **狡兔之根源破妖狐之羣黨臣某無任忘驅思奮親物感** 聯斤兩輕重稍符詔旨况浚郊初啟旣以大期豺狼鷙鳥 右臣當州元和十五年奉宣令採雙雞五聯各重四斤類 自來可以助清泉稅臣所恨身無羽翼不獲陪奉屬車擒 前採得一 年採取一聯不獲自臣到州詢問採捕人等皆云二十年 進馬狀 一聯雙雞爾後更不曾採得昨旬日之內幷獲兩 同 州防禦使供進烏馬一匹八歲堪打毬及獵

雞犬亦聽車音目斷魂銷形雷神往又得進奏官狀知 職居守土侍從無由羨魏闕之埃塵猶隨日御恨新豐 嘉其環迴斗轉動可憾心善微射者皆數其度輕踰溝 久今者宸遊近甸地降靈泉施展是時戢藏何益伏望陛 不換足欲隨正至獻賀竊慮羣眾混同徘徊瞻顧蓄鋭斯 馬北方正色東道奇蹤調習多時備語材色解擊毬者每 以粗展丹誠臣既別受恩私又不合獨無壤奠伏以前件 華州京兆府並於昭應排北進獻臣當州素乏所出無 臣竊問道路相傳車傷欲覧游幸温湯未知虚實者臣 元稹

臣寵祭而足爲諭慙惶增懼進退難安拜受恩光戰汗交 海之詞大舜相龍爰有聖聽之訓空聞簡策未與綠細豈 多定全唐文 老六百五十二 主因馬喻身輕冒天威無任戰汗其馬謹隨狀進謹進 恩未報愚志空存自慙為鈍之姿真展驅馳之効捫心戀 集無任感戴殊私之至 右中使某乙至奉宣進止賜臣其官告身一通者鳳街真 下揚鞭頓轡取驗其馴良結尾絡頭試觀其神彩臣其深 虬捧天書錦帙金牋霞光日照臣聞高宗命說乃申納 爲蕭相謝告身狀

賜臣以洗心之物察臣有木訥之性故賜臣以苦口之 成悲無任跼蹐屛營之至 前件紅雪等臣職司復土戀切攀髯方當匍匐而前敢有 右中使實千乘至奉宣進止以臣將赴山陵時屬炎暑賜 赫曦之懼豈謂天光下濟靈藥旁沾念臣有丹赤之愚故 就日疑不冶之清冰在合若遇圓之降雪恩加望外感極 ていることと 為蕭相國謝太夫人國號告身狀 爲令狐相國謝賜金石凌紅雪狀 恩賜金石凌紅雪各一兩 元稹 滋

永奉真人之語緘滕在笥深藏大帝之符寶過金龍瑞同 戴競惶對揚天休無任戰越臣家傳儒素母實劬勞每織 石節封疆巴光於萬業藥珠文字重降於九霄朝野謂之 所希棒檄之禁敢前開國之慶陛下思加望外簡自宸衷 殊私宗族以爲榮觀臣及臣母以抃以歡誓將齊戒洗心 優以資臣宦游嘗斷織以勉臣師學念臣庸珠本望非高 多方在厚了一类三里工一 右某月日某乙奉宣恩旨賜臣母前件告身恩光灼燿捧 印参蕭知感兩露難聽無任抃躍就懼之至 恩賜臣母國號告身一通

黃緩清流旋觀冉冉之趨倍慶怡怡之樂手足交扑形 本凡愚很當重任雖星辰軌道幸屬聖時而歲月環周實 恩之命曲成友愛之私九族生光百身何報况藍田美邑 妨賢路未蒙罪退益自慙惶豈謂睿慈仍加渥澤特降 相輝空鏤肝心難轉雨露無任抃躍感恩之至 右 府藍田縣尉龍過憂深恩殊感極彷徨自顧惊惕難居 臣伏奉其月日勃以所賜臣一子官迴授臣弟定京兆 爲令狐相國謝四一子官與弟狀 臣弟定紫恩授京兆府藍田縣尉

欽定全唐文 卷六百五十 觀羣執事排閻閻而入盡唱廣歌同治就日之禁實慶溥 順門內殿與百寮相見便永為常式者伏以降聖嘉辰承 壽獲申數慰宜集百家及外命婦進名賀皇太后仍御 之澤臣等認參樞務親奉德音慶忭之誠倍萬常品無任 天之樂況百官承式萬歲傳聲永爲利見之規獨荷無窮 天令節新恩肇降品彙成休皇太后念樞星之祥重游甲 右臣等伏奉今日勃旨以降誕之辰奉迎皇太后宫中上 賀降誕日德音狀

欽定全唐文、卷云百五十一 誠為穩便或慮土宜不等恐須更有商量請令天下州 端 有山野溪洞無布帛絲綿之處得以九穀百貨一 右據中書門下狀稱應徵兩稅起元和十六年已後並配 匹斤兩之物以為稅額不用計錢令其折納仍約元和 五年徵納布帛等估回計者伏以兩稅不納見錢百姓 中書省議賦稅及鑄錢等狀 見錢者 中書門下奏據楊於陵等議狀請天下兩稅權 酒鹽利等悉以布帛絲綿等物充稅 **元**模 土 切不徴

宜又據中書門下狀稱鹽利酒利本以權率計錢有殊 岩 稅 匹 時並不得令有加檯臣等又見比來州縣緣不納見錢 但 令小戶數人並合共成端匹期會來往費擾倍多今請 段者伏以糶鹽價錢自有本使收管不 之名不可除去錢額但合納見錢者亦請令折納時 此 依當處堪納 堪本處交易用度者並許折納便充雷 州 則上 縣有貧下戶兩稅數少情願輸納見錢者亦任 無抑配之名下有樂輸之利以兹折中實謂 兩稅匹段 及雜貨估價計折輸納給用之 要州 州雷使錢數 縣條流至 穩 仍

誅求一 欽定全唐文、卷六百五十一 此爲便 右據中書門下狀欲令諸道公私銅器各納節度團練 並入使司事實煩苛法非畫一今請天下州府權酒錢 州府九分是隨兩稅均配其中一分置店沽酒葢是分外 於權酒利錢雖則名目不同其實出於百姓今天下十 切據貫配入兩稅仍取兩貫已上户均配兩貫已下户不 煩貧富有等差之異人知定准吏絕因緣臣等商量以 配限先有置店沽酒處並請勒停若此則賦斂無名額 則厚取疲人二則嚴刑檢下上 元類 一供既有定數餘 生

市每年每季隨便近有監冶處據數送納所冀鑪冶無創 年勒停並是廢物軍人旣未素習鎔鑄亦恐甚難又每年 者分數無多散納諸使斤兩益寡創置鑪治器具頗繁一 鑄處每年與本充鑄者臣等約計天下百姓有銅器用度 物光待一年後鑄銅器盡勒停其州府有出銅鉛可以廣 使令本處軍人鎔鑄其鑄本請以畱州畱使錢年支未用 州畱使錢額本約一年用度支畱若待鑄得新錢然遣 州給用必恐百事久闕不應時須臣等商量請令諸使 一切在所許百姓以銅器折納稅錢幷度支給價收

候勃旨 申陳多酌求情然議可否以前據中書門下奏請令中書 置之勞工匠有素習之便不煩鑄本自有利宜其州府 欽定全唐文卷百五十一 銅 鉛可廣鑄處請委諸道有銅鉛處長吏各言利害具狀 下兩省重議可否奏聞者臣等謹議如前謹錄奏聞伏 中書省議舉縣令狀 駕部即中知制語臣李宗閔中書舍人臣王 庫部郎中知制語臣牛僧孺祠部郎中知制語 元和十五年八月日中書舍人臣武儒衡等奏 元称 古四 起

墾荒田已是考課舊係獄絕繫囚第人申雪亦是正途常 事舉察吏不法恐生告計之風有利益公家又未指陳其 拘以考淺疾廢耄職者得在選中倒置是非無甚於此朝 右吏部以停年課資之格取字邑字人之官公幹強白者 下有司再議釐革何以取信於人據吏部云增加新戶開 廷將欲漸去其弊所以特設舉薦之科明部既行起請尋 目選授者例無異績尚得四考守常舉薦者縱未殊尤豈 臣元稹 吏部重奏舉薦縣令節文

欽定全唐文 卷六百五十一 剝放程式及試書判並請准平遇人例處分若此則案贖 特舉與官令請應舉薦人量納文狀便令注擬亦不在 之吏得肆姦欺書判雖工何關政術有同減選赴集豈是 放及試書判之限又云並請注破碎之縣責其效實本舉 可二年便能今請但行連坐舉主之文不必更依吏部 條件又云見任官及處士散試官並請停集且起家散 能真業優獎皆居破碎之處恐同貶降之條以前數 何殊今請除見任縣令其餘並令赴集又云檢勘榜樣 固有才能見任他官何妨撫字若皆限其資歷即與當 元稹 干五

嚴碼擅籍沒管內將士官吏百姓及前資寄住塗山南等 冀将允當同前五舍人同署 令員軟先盡舉薦人數語數有餘然後許注擬平選人等 益恐不可施行伏請但依起請節文處分仍請據今年縣 彈奏劒南東川節度使狀 擅沒管內將士官吏百姓及前資寄住等莊宅 奴婢今於兩稅外加徵錢米及草等謹件如後 故劒南東川節度觀察處置等使嚴礪在任日 劒南東川詳覆使言

敬仲贓犯於彼訪開嚴礪在任日擅沒前件莊宅奴婢等 八十八戸莊宅共一百二十二所奴婢共二十七人並在 欠日日日としたいりる上 到處所有應接及投事西川軍將州縣官所由典正前資 聞臣昨奉三月一日勘令往剱南東川詳覆瀘州監官任 諸州項内分析 右臣伏准前後制動令出使御史所在訪察不法具狀奏 行案典耿琚馬元亮等檢勘得實據嚴礪元和二年正月 至今月十七日詳覆事畢追得所沒莊宅奴婢文案及執 八日舉牒云管内諸州應經逆賊劉闢重圍內並賊兵 元稹

收支用就臣伏准元和元年十月五日制西川諸軍諸 逆緣坐並與洗滌況前件人等悉是東川將更百姓及寄 刺史大將及參佐官吏將健百姓等應被脅從補署職官 官其時都不聞奏所收資財奴婢悉皆貨賣破用及配充 作坊驅使其莊宅桑田元和二年三年租課嚴礪並已徵 寄住等所犯雖該需澤莊田須有所歸其有莊宅奴婢桑 金河白厚了港丁里五一 柘錢物斛卧邸店碾磑等悉皆搜檢勘得塗山前等八十 八戶案內並不經驗問虛實亦不具事職名便收家產沒 切不問又准元和二年正月三日赦文自今日已前大

飲定全唐文·卷六百五十一 勒本道長吏及諸州刺史招緝疲人 管臣訪聞本主並在側近控告無路漸至流亡伏乞聖慈 再蒙恩荡嚴礪公違詔命茍利資財擅破八十餘家曾無 住衣冠與賊黨素無管屬賊軍布至暫被脅從狂冠旣 責以懲姦欺 嚴礪又於管內諸州元和二年兩稅錢外加配百姓草共 孤窮有托編戶再安其本判官及所管刺史仍乞重加 字聞奏豈惟剝下實謂欺天其莊宅等至今被使司收 萬四千八百六十七束每束重一十一 元稹 一切却還產業庶使 一斤

右臣 嚴 開奏又准元和三年赦文大辟罪已下蒙恩滌蕩惟官典 犯 每年旨條館驛自有正科不合於兩稅錢外擅有加徵 加 文案及執行案典姚孚檢勘得實據嚴礪元和二年七月 人臟不在 錢 礪元和三年舉牒已云准二年舊例徵收必恐自 配 伏准前後制動及每歲旨條兩稅 围州使錢外加率 東至三年秋稅又准前加配計當上 物州府長吏並同枉法計贓仍令出使御史訪察 日舉牒稱管內郵驛要草於諸州秋稅錢上每貫 此限臣 訪聞嚴 礪 加 配前件草准前月日 一件草臣伏准 追 况

和二年軍資錢米悉准舊額徵收盡送使乾並不曾交領 嚴礪又於梓遂兩州元和二年兩稅外加徵錢共七千貫 欽定全害文·卷六百五十一 米添填綿剱兩州頓遞費用者臣又牒勘綿州得報稱元 承永為疲人 重困伏乞勒本道長吏嚴加禁斷本判官及 實據嚴礪元和二年六月舉牒稱綿剱兩川供元和元年 文米共五千石 右臣伏准前月日追得文案及執行案典趙明志檢勘得 刺史等伏乞准前科責以息誅求 軍頓遞費用倍多量於梓遂兩州秋稅外加配上 元稹 一件錢

得梓遂等州錢米添填頓遞亦無尅折當州錢米處者 米數使司亦不曾支梓州遂州錢米充填者臣伙念綿 况所徵錢米數內惟尅下劒州軍資錢四千二十三貫三 又牒勘劒州得報稱元和元年所供頓遞侵用百姓腹內 兩 兩年夏稅錢四千二十三貫三文使司令於共年軍資錢 敖下記其米即用元和元年米充並不侵用二年軍資 其餘錢米並是嚴礪加徵別有支用其本判官及梓 供頭自合准勒優於梓述百姓何辜擅令倍出租 刺史悉合科處以例將來擅收沒塗山甫等莊宅

都計諸州共加配草四十 set not be the the world of the set of 都計諸州擅沒莊共六十三所宅四十八所奴一十人婢 并所收色目謹具如後 婢及於两稅外加配錢米草等本判官及諸州刺史名銜 與牒判官觀察判官殿中侍御史內供奉盧詡 於管內諸州元和二年三年秋稅錢外隨貫加配草元 擅收沒奴婢莊宅等元舉牒判官度支副使檢校尚書 刑部員外郎兼侍御史賜緋魚袋崔廷 一萬四千八百六十七束 元稹

計雨 金万全屋又一卷二至五十 华三月八日身亡 · 年三月八日身亡 · 梓州刺史檢校尚書左僕射兼御史大夫嚴礪元和 元和三年四萬四千一百六十束九和二年三萬一千七百九十三束人加徵三千貫文米二千石草七萬五千九百五十二 州加徵錢共七千貫文米共五千石 徵梓遂兩州元和二年秋稅外錢及米元舉牒判官 節度判官監察御史裏行裴誗 州刺史柳紫 ナ VY)

欽定全唐文 卷六百五十 元旗 三年元和三年一萬二千七百七十八東元和二年九千三十九東元和二年九千三十九東 四百八十二束三年二萬五千五百三東元米三千石草四萬九千九百八十五東元和二年二萬 六百八十八東元和三年五萬五六百八十八東元和二年三萬八 擅收沒文懷進等莊二 擅 收 劎 綿州刺史陶鍠 州刺史崔寶成 沒李簡等莊、 八所宅 十所宅十 四所奴 加加 加 徴 徽 東東 草 錢四千貫 和四

二十七束 一 一 一 一 一 一 一 一 一 一 一 一 一 一 一 一 一 一 一	六百五束一一六百五束一一一一一一一一一一一一一一一一一一一一一一一一一一一一一一	東 元和二年加徵錢草六千東三年加徵草九千四百五十 普州刺史李怤
--------------------------------------------	------------------------------------------	---------------------------------------

大三白馬と 美で写上一 簡州元和二年加徵草二萬四千一百四東三年二萬三 萬六千二百二十五束 資州元和二年加徵草一萬五千七百九十八東三年 七百二十七束 元和二年加徵草二千六百一十四東三年加徵草三千 元和二年加徵草三千八百五十三東三年加徵草三千 八百五十一束 瀘州刺史兼御史劉文翼 渝州刺史部膺 元稹 三

委本道長吏各據徵收年月具勘名街開奏 金はんでたって、オファコー 右已上本判官及刺史等名街并所徵收色目謹具如前 束 龍州元和二年加徵草八百九十一東三年八百日十 以前件狀如前伏以聖慈軫念切在蒼生臨御五年三布 其資州等四州刺史或緣割屬西川或緣停替遷授候乞 陵州元和二年加徵草二萬四千六百六東三年二萬三 千八百六十一束 百一十八束

副天心蠲減征徭内禁鄉里而乃横征暴賦不奉典常擅 欽定全唐文、卷六百五十一 其末効移鎮東川仗節還鄉龍光無比固合無級黎康 赦令殷勤曉諭優惠困窮事涉擾人頻加禁斷况嚴礪 其褒贈用懲不法以警將來其本判官及諸州刺史等或 以萬計雖即沒身謝咎而猶遺患在人謂宜諡以醜名則 人家自豐私室訪開管內產業阡陌相連童僕資財動 梓州百姓素無才行可稱久在兵間過蒙獎板陛下 不懼朝廷典憲共爲紫蔽皆合痛絕臣職在觸邪 元稹 主

容身刺史柳蒙等任竊藩條無心守職成此弊政害及平 斷 免無由仰訴不有察視孰當舉明所沒莊宅奴婢一物已 牒奉勒籍沒資財不明罪犯稅外科配豈顧章程致使街 人無事論情豈宜免戾但以罪非首坐法合會思亦以恩 除者亦收贖却還其加徵錢米草等亦委觀察使嚴加禁 其慎謹錄奏聞伏候動旨中書門下牒御史臺 一並委觀察使據元沒数一一分付本主縱有已貨賣破 加徵又已去官停職俾從寬宥重此典常其恩後加徵 仍榜示村鄉使百姓知委判官崔廷等名切參佐非道

草及柳蒙陶鍠李也張平的膺陳當劉文翼等宜各罰兩 月俸料仍書下考餘並釋放牒至准勃故牒 大臣白事工 美百五十一 六千四百七十七圍每圍重二十斤 山南西道管内州府每年兩稅外配率供驛禾草共四萬 彈奏山南西道兩稅外草狀 免不後餘 洋州一萬五千圍 與元府二萬園內五千園每年折後價錢充使 司雜用每圍一百二十文據元和三年使牒減 一萬五圍見後率 元稹 E

制節文諸道兩稅外權率比來制制處分非不丁寧如聞 或未遵行尚有欺弊永言奉法事理當然申勃長吏明加 後每年隨稅據貫配率前件天草將供驛用者伏准元和 右訪聞前件州府每年兩稅外加配驛草遂於路次州縣 山南西道觀察處置等使裝玢勘得報稱自建中元年已 檢勘文案據諭後使牒並稱准舊例於兩稅外科配又牒 金なとうとうとう 元年已後三度赦文每年旨條兩稅事州雷使錢外加率 物州府長吏並以枉法贓論又准今年二月三日 利州一萬一千四百七十七圍

禁斷如刺史承使牒於界內權率開 臺及出使郎中官御史訪察聞奏問 **牒奉勃積習多年成此乖越然在長吏合尋根由循失政** 科處分勘擇得實以前劒南東川詳覆使監察御史元稹 次完全事文 卷六百五十一 奏謹具如前 兩稅外徵率准制合勒本道明智四州府長吏仍今節級 規置無名之稅雖原情可恕而在法宜懲觀察使宜罰 書門下牒御史臺 月俸刺史各罰一季俸仍令自元和四年已後禁斷牒 **元**頼 伙以前件草並是 加懲責仍委御 茜

出正帖不用印奉觀察使七月十六日牒決孫游翳杖十 文到科決孫解官忝字人一邑父母白狀追攝過犯絕輕 稱孫游先準使牒差攝鳥程縣令日判狀追村正沈朏不 右御史臺奏得東臺狀訪聞有前件事先牒湖州勘得報 至准勃故牒 下仍差衙前處候安士文監決第三等杖二十二日安士 金など方ことラココニ 論浙西觀察使封杖決殺縣令事 湖州安吉縣令孫澥四日致死 浙西觀察使潤州刺史韓鼻去年七月封杖決

外合尊與憲有此乖越良所無然罰一月俸料據決孫辦 月日是舊刺史辛私離任之後新刺史范傳正未到之 動封杖決人殊非文法因此致死有足矜嗟韓皐備思中 望嚴加禁斷庶使退方士子免有銜免 てき こまころ からて 明典憲其諸道觀察使報封杖決巡內官吏典法無文伏 以痢疾爲念冤魂有傷和氣其湖州刺史受命專城過於 不法即合具狀奏聞封杖決人不知何典數日致死又託 科罰所施合是本州刺史且觀察使職在六條訪察事有 畏懦受使司軍將科決縣令致死寢而不言並請准科以 元稹

縣 軍將官健驢馬等轉牒白一道謹具如前又得東都都亭 據武寧軍節度使王紹六月二十七日違動擅牒路次州 給遞乘人夫等當時追得都勾當押衙趙任到責狀稱孟 驛狀報前件喪柩人馬等准武寧軍節度轉牒衹供今月 俱無抵尤不可議罰餘依 銀定全庫文光が正五十一 一十三日未時到驛宿者伏准前後制動入驛須給正券 無轉牒供擬之例況喪柩私行不合擅入館驛停止 館驛供給當道故監軍孟昇進喪柩赴上都勾當部送 論轉牒事 Ē

欽定全唐文、卷六百五十一 使僕射發遣亦別無勒追者謹檢與元元年閏十月十 監軍去六月十四日身七至七月五日業本使差押領神 並量事科決仍具給牒所由牒中書門下者又准元和二 妄出食牒煩擾館驛自今已後除門下省東都畱守及諸 夫牛等又狀稱其監軍只是亡日間奏更不別奏只是本 州 柩 日 府給券外餘並不得輒入館驛宜委諸道觀察使及所 **勅應緣公事乘驛** 縣切加捉捕如違犯請資官所在勒哥具名聞奏餘 都領得轉牒累路州縣並是館驛供熟食草料 切合給正券比來或開諸州諸 元稹 丢 使 四

謹詳前後勃文並不令喪柩入驛及轉牒州 記右件謹具如前伏以凶柩入驛機觸與常轉牒祗供違 越制勃正僕射位崇端探合守朝章徇苟且之請來經制 仍牒都亭驛畫時發遣出驛並追得本道牒到在臺收約 判官録事參軍並准與元元年十二月十七日勃處分者 受軍資糧料等官並在給券餘並不得給如遠本道專知 奉官并部領諸軍防秋軍資錢物官及邊軍合於度支請 年四月十五日朝節文諸道差使赴上都奏事及押領進 二十四日已牒河南府並不令供給人牛及熟食草料等 縣祇供今月

其本判官等准勒並合節級科附謹具事由如前伏聽處 違越並合申牒中書門下不敢別狀彈奏伏乞特有科繩 之法給長行人畜甚衆勞傳遞牛夫頗多弊緣路之疲人 河南府應供行營般糧草等車准勘糧料使牒共產四千 分具狀上中書門下謹錄狀上 一十五乘每乘每里脚錢三十五文約計從東都至行營 八百餘里錢二千八文兴給鹽利虛估匹段絹 朝之私惠恐須明罰以勵將來伏准前後勃文給券 為河南百姓訴車 元真

二東從武德界至行營約六百里車行一十二日程往來 東料及人糧在外若自齊持每車更須四乘車別載緣路 據每車强弱相兼用牛四頭每頭日食草各三東計一 欽定全唐文 卷云百五十一 右件草准元朝令於河次收貯待河開般運送至行營續 約計二十八千得納絹共六匹折當實錢四千五百已來 估四千已上時估七百文紬一匹約估五千時估八百文 准度支奏令差河南鄭滑河陽等道車共一千乘般載令 二十四日并停住約三十餘日計每車須食草三百六十 五百乘准勒供懷州已來載草 丰七

耀巴合支得界月即前件糧亦合得春水路般載以前兩 欠臣二手し、たら丁上一 般載至發時已是來年正月上旬已後即水路自然去得 縣店肆必無抵供得辦况今年河路元不甚東及至張車 糧草若於界路旋買計一千車每頓須買草六千餘束州 支用處且今收雜來年春季糧料今據那治魏博等州和 右件軍糧伏據中書門下奏稱若并雜貯恐事平之後無 只校旬日之間實恐虛成其弊 載軍糧 三千五百三十五乘准糧料使及東都河陰雨院牒般 元稹

金为白厚了一卷一百五十 恐饑荒薦至萬一尚稽天討不知何以供求極恭在官司 差遣十分發得一二即來歲春農必當盡廢百姓見坐流 計用牛一萬二千頭假合估價並得實錢百姓悉皆願去 因軍過宰殺及充遞車已無大半令若更發四千餘車約 件車准動並令和雇令據度支河陰匹段十乘估價名雇 亦須草木盡化爲牛然後可充給頭數今假合府司排户 一乘不得合府司還是據户科配況河南府耕牛素少非 河南府既然即鄭滑河陽亦是小處假使凶豎即擒伏 知利害伏以事非職任不敢上言仰荷陶甄冀裨萬

當州自於七縣田地數內均配兩稅元額頃畝便請分給 户逃移田地荒廢又近河諸縣每年河路吞侵沙苑側 次至上事七一人长七百五十一 右件地並是貞元四年檢責至今已是三十六年其間人 無任冒昧狂愚之至伏聽詳察處分謹錄狀上 除去斛斗錢草零數等利宜分析如後 均率又均攤左神策部陽鎮軍田栗及特放百姓 職 田 同州奏均田狀 當州 州使田官田與百姓其草栗脚錢等便請於萬 而稅地 元稹 元

頃畝然 據所通悉與除去逃户荒地及河侵沙掩等地其餘見定 手實狀又令里正書手等傍為穩審並不遣官吏擅到村 又慮疲人煩擾非因農務稍暇臣遂設法各令百姓自通 賦稅不辨州縣轉破實在於斯臣自到州便欲遣官檢量 栗富兼幷廣占阡陌十分田地總稅二三致使窮獨逋 金ケノニティーラファヨー 日有沙礫填掩百姓稅額已定皆是虛額徵率其間亦有 百 此貧富疆弱 姓等皆知臣欲一 取兩稅元額地數通計七縣沃齊 切均平微敛賦租庶無通欠三二年 例均平所通田地畧無欺隱臣便 例作分

钦定全唐文卷六百五十一 姓變米雇車般送比量正稅近於四倍加徵既緣差稅至 右臣當州百姓田地每畝只稅栗九升五合草四分地頭 椎酒錢共出二十一文已下其諸色職田每畝約稅 斗草三束脚錢一百二十文若是京官上司職田又須 此州實冀稍校完全 州 畝之者或有身居市井亦令虚額出稅之者其公解田 縣遂逐年抑配百姓租佃或有隔越鄉村被配 驛 當州京官及州縣官職田公解田幷州使官田 田等 元稹 《栗三 百

加六合草一分其餘脚錢只收地頭權酒錢上分釐充 官 原 職 便足百姓元不加配其上司職田合變米送城者比緣 佃 錢草等只於夏稅地上每畝加一合秋稅地上每畝各 疲人患苦無過於斯伏准長慶元年七月赦文京兆府 田驛田等所稅輕重約與職田 依正稅栗草及地頭權酒錢數納稅其餘所欠職 田令於萬戶上均配與臣當州事宜相類臣今因重 稅地便請盡將此色田地一切給與百姓任爲水業 出車牛及零碎春碾動迎春夏送 相 似亦是抑配百姓 納不得到城臣今 田 租

情願車牛搬載差網送納計萬户所加至少使四倍之稅 欽定全唐文、卷六百五十一 軍田並緣田地零碎軍司個用不得遂令縣司每敢出票 臣今已於七縣應稅地上量事配率自此亦冀均平 水除上司職禄及時公私俱受其利 便於當州近城縣納栗官為變碾取本色脚錢州司和產 二斗其栗幷是一縣百姓稅上加配偏當重斂事實不均 右自置軍鎮日伏准勘令取百姓高荒田地一百頃給充 當州供左神策部陽鎮軍田栗二千石 當州朝邑等三縣代納夏陽韓城兩縣率錢 元稹 歪

草九千九束零並不計臣今因合百姓自通田地落下 額稅地請更不令三縣代納差科 縣高荒之外並據見定頃畝 稅每年攤配朝邑澄城部陽三縣代納錢六百七十九寸 右當州從前稅麻地七十五項六十七畝四壟每年計麻 九百二十一文斛斗三千一百五十二碩一斗三升三 一萬一千八百七十四兩充州司諸色公用臣昨因均配 准元和十三年勃然夏陽韓城兩縣殘破量減逃户率 當州 稅麻 例徵率自然兩縣已減元

言兩稅數內為復數外旣無條勒可憑臣今一切放免不 次定全害文 卷六百五十一 詐其邀數栗麥草等便充填所欠職田等數其錢當州每 地稅尋檢三數十年兩稅文案只見逐年配率麻地並不 釐毫銖案贖交加不可勘算人户輸納元無畸零變數 稅 右從前所徵斛斗升合之外又有抄勺圭撮錢草即有分 **成盡是姦吏欺沒臣今所徵斛斗並請成合草並請成分** 錢並請成文在百姓納數元無所加於官司簿書永絕姦 當州所徵斛斗草及地頭等錢畸零分數 元類

餘貫便足更不分外攤徵回姦吏隱欺之贓除百姓重敛 畝 於 偏 兼帶山原通計十畝不敵京畿一二加以檢責年深貧富 斗數謹具分析在前件狀如前伏以當州田地鹹鹵寮薄 规 只 困 并稅額已定徵率轉難臣昨所奏界年通懸其弊實由 收納二十一文內分釐零數將充職田脚錢二千六百 元稅二十文三分六釐人户元約二十一文整數臣今 此臣今並已均融抽稅又免 元額頃畝并攤配職田分數及變成文分合等錢草 如此處置庶有利宜以前件謹具利宜如前逐縣 72 31 配 佃職 田間里之 間 兩

當處放散至元和十五年伏奉聖旨却令供進至今每 次定全喜文卷六百五十一 每色各進一石五斗臣昨之任行至泗州已見排此遞夫 右件海味等起自元和四年每年每色令進五斗至元和年進淡菜一石五斗海蚶一石五斗 蘇息伏綠請配職田地充百姓永業事須奉勒處分然 九年因一縣令獻表上論准詔停進仍令所在勒回人 永有遵憑伏望聖慈允臣所奏謹錄奏聞伏聽**勑旨** 浙東論罷進海珠狀 浙江東道都團練觀察處置等使當管明州每 元稹

獻景靈自此停進當時書之史策以為美談去年江淮星 令貢荔枝陛下即位後以其遠物勞人只令一度進送充 淡菜等味不登於俎豆名不載於方書海物鹹腥增痰損 得前件海珠到京臣伏見元和十四年先皇帝特的刺南 假如州縣只先期十日追集猶計用夫九萬六千餘功方 下遠法堯舜近法太宗減勝如災愛人惜費之大德也况 十四人明州去京四千餘里約計排夫九千六百餘 陛下又降德音令有司於旨條之內減省常貢斯皆陛 到鎮詢問至十一月二十日方合起進每十里置遞夫 欠日日子と「たりする」 臣 中書門下牒 聖澤謹錄奏聞伏候動旨 九年初旨宣下度支鹽鐵所在勒回實冀海隅蒼生同霑 如紫聖慈特賜允許伏乞賜臣等手詔勒停仍乞准元和 肺俗稱補益益是方言每年常役九萬餘人 別受恩私合盡愚懇此事又是臣當道所進不敢不言 罷荔枝減常貢之 盛意葢守上之臣不敢備論之過也 海蚶一 當道每年供進淡菜一石五斗 牒浙東觀察使 一石五斗 元稹 竊恐有乖 5

牒奉勅 意見以草其弊右閏正月十七日宰相奉宣進止如前者 金気白厚了差万正五十 在 謂也旣聖問言之又以爲黎庶之重因不在於賦稅之間 奉進止當今百姓之因眾情所知減稅則國用不充欲依 起今已後並宜停進其今年合進者如已發在路亦宜所 臣以為當今百姓之因其弊數十不獨在於錢貨徵稅 勒回牒至准勅故牒 則人因轉甚皆由貨輕錢重徵稅暗加宜令百寮各陳 如聞浙東所進淡菜海蚶等道途稍遠势役至多 錢貨議狀

患在於法令之不行今天下賦稅一法也厚海 郡以之贏又得人則理之明驗也豈錢重貨輕之謂乎自 驗也豈徵稅暗加之謂乎自饋巴南以金銀為貨幣自巴 加患在於剝奪之不已錢貨之輕重不在於議論之不當 欽定全唐文人卷六百五十一 使三日雷州皆量出以為入定額以給資然而節將有進 國家置兩稅以來天下之財限為三品 而棄能在之則生息貪愚在之則敗傷益得人則理之明 外以鹽帛為交易點巫溪峽大抵用水銀硃砂網帛 以相市然而前人以之理後人以之擾東郡以之耗 元稹 日上供二日留 董 概也然 西

之且百姓國家之百姓也貨財國家之貨財也不足則取 彼之徼恩成我之怨府哉今陛下初臨億兆首問羣察誠 能禁藩鎮大臣不時之獻罷度支轉運別進之名絕路遺 之有餘則拾之在我而已又何必授之重杨假之利權 三節之獻彼之管鹽有常也受財有數也此又何從而得 以易貨一 孫者有高樓廣榭以熾第宅者彼之俸入有常也公私有 獻以市國恩者有路遺以買私名者有藏鐵滞帛以貽子 分也此何從而得之又國家置度支轉運以來一則管鹽 則受財以輕費近制有年進月進之名有正至

器用禁銅之令次有交易錢帛兼行之法近有積錢不得 矣至於古今言錢幣之輕重者熟矣或更大錢或放私鑄 過 不行之謂也臣不敢遠微古證竊見元和以來初有公私 滞積皆可以救一時之弊也然而或損或益者盡法有行 或龜或貝或皮或刀或禁埋藏或禁銷燬或禁器用或禁 條慎選字人之長若此則不減稅而人安不改法而人理 備列於公私錢帛不兼於賣鬻積錢不出於墙垣欺濫 數之限每更守尹則必有用錢不得加除之勝然而 私節侈靡之俗峻風憲之與深贓罪之刑精毅考課之 されていている。一人、大・大・「し」といって 元稹 7117 鲖

過行於市井亦未開鞭一夫點一吏賞一告計壞一苦藏 哉謹錄奏聞伏聽勒旨 智之議論何窮豈待愚臣盗竊古人之見自稱革弊之析 多玩全唐文 着一下王十 之方施賞罰必行之令則聖祖仁宗之法制何限前賢後 豈法不便於時耶益行之不至也陛下誠能採古今救弊